

[unde locum Grai dixerunt nomine Aornon] quattuor hic primum nigrantis terga iuvencos constituit frontique invergit vina sacerdos, et summas carpens media inter cornua saetas, 245 ignibus inponit sacris libamina prima, voce vocans Hecaten caeloque Ereboque potentem. supponunt alii cultros tepidumque cruorem succipiunt pateris. ipse atri velleris agnam Aeneas matri Eumenidum magnaue sorori 250 ense ferit sterilemque tibi Proserpina vaccam. tum Stygio regi nocturnas incohata aras et solida inponit taurorum viscera flammis, pingue super oleum fundens ardentibus extis. ecce autem primi sub limina solis et ortus 255 sub pedibus mugire solum et iuga coepta moveri silvarum visaeque canes ululare per umbram adventante dea. ‘procul o procul este profani’ conclamat vates, ‘totoque absistite luco; tuque invadet viam vaginaque eripe ferrum: 260 nunc animis opus Aenea, nunc pectore firmo.’ tantum effata, furens antro se intmisit aperto; ille ducem haud timidis vadentem passibus aequat.

Di, quibus imperium est animarum, umbraeque silentes

et Chaos et Phlegethon, loca nocte tacentia late, 265 sit mihi fas audita loqui, sit numine vestro pandere res alta terra et caligine mersas.

Iabant obscuri sola sub nocte per umbram perque domos Ditis vacuas et inania regna: quale per incertam lunam sub luce maligna est iter in silvis, ubi caelum condidit umbra Iuppiter et rebus nox abstulit atra colorem. 270 vestibulum ante ipsum primisque in faucibus Orci Luctus et ultrices posuere cubilia Curae, pallentesque habitant Morbi tristisque Senectus 275 et Metus et malesuada Fames ac turpis Egestas, terribiles visu formae, Letumque Labosque;

Vergilius rec. Ianell. Ed. minor [1877]

8